

Fwengeq Mulaujcuz

□ Daegyngz Godoq comz hoiz



▲ Vunz Mulaujcuz cingq eu fwengeq Mulaujcuz.

◀ Gyoengq hagseng Mulaujcuz cingq eu fwengeq Mulaujcuz.

► Fwengeq Mulaujcuz ndaej baenz saw okbanj lo.



▲ Gyoengq coz Mulaujcuz doiq fwen ra youx.



▲ Eu fwengeq guh saehyaz.



▲ Langhsing angq ciengq fwengeq.



▲ Sawgeq minzcuz dijbaui dangqmaz.



▲ Guh saeh hung cojcienz cungj aeu eu fwengeq.

Fwengeq Mulaujcuz youq Ciuzyenzcauz mboengq doeksat caeuq Ciuzmingzcauz mboengq hainduj couh baenz fwen lo, hix dwg cungj gyonj heuh ndeu, heuh gij fwen vunz Mulaujcuz youq dajndaem dajciengx gvaqngoenz ndawde guh baenz cienz roengzdaeu haenx, ndaej dangguh yiengh maenhndei gven-daengz vwnzyoz ndawbiengz Mulaujcuz. Fwengeq Mulaujcuz daihbouhfaenh cienzlah youq Lozcwngz Mulaujcuz Swciyen, gyoengqvunz Mulaujcuz youq seiz gvaqciety, ngoenzhaw doxcomz giz ndeu doiq fwen, hix youq seiz banh ciengzfwen cojcienz haenx eu fwen.

Fwengeq Mulaujcuz baihindaw miz "doenghyiengh" lai, coenz fwen maenhndei, gangj ndaej sengdoengh, yiengh lai dangqmaz, miz 90 lai cit cienzlah haemq gvangq, gungh miz 90 lai cungj yienghsing; daihgaiq faen baenz "fwen hai daiz" "fwen lwnh saeh" "fwenyoux" "fwen doxbeij" "fwen guhleix" caeuq "fwen Vah-

mulauj" "fwenyoux Bouxcuengh" "fwen wng" daengj. Doenghgij fwengeq neix ca' mboujlai cungj miz gij gyaq dijbaui gvendaengz lizsij, minzsuz, yisuz daengj lai fuengmienh.

Haujlai bi gvaqdaeu, vihliux swncienz henhoh fwengeq Mulaujcuz ndaej lai ndei, ndawbiengz gyoengq vunz mizsim miz dungxcaiz haenx haenqrengz vatgud, cingileix, bien saw okbanj fwengeq Mulaujcuz. Bi 2008, bousughangz Mulaujcuz heuhguh Lungz Denbau haenx cawjbien bonj saw 《Fwengeq Mulaujcuz》 le ndaej Gvangsih Minzcuz Cuzbanjse okbanj fathengz. Bonj saw neix gungh 89 fanh cih. Ndawde faen baenz bet gyaengh.

《Fwengeq Mulaujcuz》 ndawde miz "doxgaiq" lailai, yiengh fwen lailai. Daegbied dwg yiengh fwengeq Mulaujcuz, miz fwencoenz ciuq daengx cit fwen miz geijlai coenz daeu anmingz; miz fwensoqcih ciuq coenz miz geijlai cih daeu anmingz; vanzlij miz fwensoqcih ciuq daengx cit fwen miz geijlai cih daeu anmingz, neix gungh miz 90 lai cungj; neix hix dwg naeuz eu fwen seizhaenx miz 90 lai cungj yienghsing. Daengx guek miz 56 aen minzcuz, ndawde daihgaiq mbouj miz

aen minzcuz lawz miz cungj fwen neix lo.

Bi 2009, 《Fwengeq Mulaujcuz》 ndaej "Daihgoij Gaiq Cungguek Ndawbiengz Vwnzyi Sanhvah Ciengj" (aen ciengj cozbij vwnzyoz ndawbiengz), neix hix dwg naeuz youq gih raeuz vwnzyi ndawbiengz ndawde aen cozbij neix aeu ndaej aen ciengj cei sang gvendaengz cungj ciengj daengx guek vwnzyi ndawbiengz.

Fwengeq Mulaujcuz ndaej swncienz roengzdaeu, cungj aeu miz gyoengq vunsughangz ndawbiengz Mulaujcuz daeu laemxsim dingguh caeuq haenqrengz. Bouxswncienz fwengeq Mulaujcuz Lungz Gvanghli ok goengrengz liuxcaez, dingguh mbouj duenh, baenzneix swncienz fwengeq Mulaujcuz. Mboengq "Vwnz-gwz", vihliux swncienz ndei doenghgij fwengeq cojcienz roengzdaeu haenx, vihliux lien eu fwen ndaej sugseg bae, Lungz Gvanghli ngoenzngoengz cungj buet hwnj gwnz bya bae, ra aen gamj ndeu, ndoj haeu ndawde bae eu fwen. Mizseiz, banngoengz hwnj bya mbouj fuengbienh, de couh banhaemh hwnj bya. Neix bae eu couh baenz haemh nanz bae, ngoenz daihngaih ranz baez rongh couh roengz bya, soh bae guh hong dajndaem dajciengx lo. Couh yienghneix "baenz haemh haenq guh", Lungz Gvanghli lien ndaej dungxcaiz maenhndei dangqmaz bae, de boih doenghgij fwen ndaw sawgeq cojcienz haenx ndaej sugseg bae, eu ndaej sengdoengh dangqmaz, vanzlij guhdaengz bae eu fwen le couh mbouj roxyinh naetnaiq, yied eu vunz yied cingzaenz.

Bi 2010, fwengeq Mulaujcuz ginggvaq Gvangsih Bouxcuengh Swcigih Yinzminz Cwngfuj doengzeiq, ndaej lied haeu daihsam buek swcigih gaep feihvuzciz vwnzva yizcanj mingzloeg.